

Алыстан келе жатқан жолаушының көзіне оттай басылатын осынау белгі бүгінде көпшіліктің көзайымына айналған. Тіпті отау құрған жұптар арнайы серуен құра барып, бір-біріне ақ тілектерін арнайды. Мектеп бітіруші түлектер, қалалықтар мен қонақтар аялдап, естелікке суретке түседі. Ал көмірлі қаланың эмблемасына айналып кеткен бұл белгі тарихынан не білеміз? Авторы кім? Кімдер орнатты?

Жанар ӘБДІКӘРІМ

Қала белгісі қалай пайда болды?



Балғабай Шәймерденов

- 1996 жылы қалалық мәслихатқа депутат, одан кейін хатшы болып сайландым. Ал 1997 жылы Екібастұз қаласының 40 жылдық мерейтойын атап өттік. Ол дағдарыс қыспаққа алған қиын кез еді, дәрігерлер мен мұғалімдер жалақыларын, зейнеткерлер зейнетақыларын айлап ала алмай отыратын, - деп әңгімелейді қаланың Құрметті азаматы Балғабай Шәймерденов. - Бірде өкімдік ғимаратында телефон станциясы орналасқан шағын бөлмеге кірсем, үстел үстінде плакаттар жатыр екен. Солардың біріндегі 70x70 өлшемімен салынған осы эмблеманың суретіне назарым ауды. Анықтай келе, сурет авторы сәулетші Жеңіс Хайдаров болып шықты. Ол суретті Кеңестер одағы тұсында салса керек, мән берілмей қала беріпті...

Осылайша, Балғабай Мыңбайұлына «суреттегі белгіні қалаға кіре беріс тұсқа орнатсақ қайтеді?» деген ой келіп, бұл ту-

ралы сол кездегі қала әкімі Елубай Оразалиновпен ақылдасады.

- Қала басшысының келісімін алған соң, РГТО зауытының директоры болып еңбек еткен Қаланың Құрметті азаматы Леонид Ларионовпен және «Стальконструкция» кәсіпорнының басшысы В.Губермен жолығып, ақылдастым. Екі-үш көлікпен қаланың сыртына шығып, белгіні орнататын орын қарастырдық. Бұрын Екібастұз қаласының басқа эмблемасы болған. Ол тұрған орын жолдың дәл шеті болғандықтан, жарамады, себебі біз жоспарлаған жоба ауқымы қомақты. Сөйтіп, қазіргі орын таңдалды. Белгіні қондыратын тұғыртас орнату туралы ұсынысымды Болат Әмірғалинов атты азамат құп алды. Тұғыр орнатып, сыртын өдемі тастармен әшекейлеп берді. Ал жоғарыда аталған азаматтар эмблеманы жасады. Бастапқыда белгіні желмен шайқалуы ықтимал деп

жорамалдап, сыммен тартып қоймақшы едік. Бірақ орнатқан соң оның қажеті болмай қалды. Бері көңілдегідей шықты, - дейді Балғабай Мыңбайұлы. - Осы белгі жайлы сөз еткенде, көңілге кірбің түсіретін бір жайт бар. Бертінгі жылдары оның жанында шағын үй пайда болды. Иә, өдемі бір мәдени нысанға айналған қаланың эмблемасы жанынан дәмхана ашылғаны құба-құп: өткен-кеткен жолаушылар шай-су ішіп, дамылдар еді. Бірақ ол не ашылмады, не қоймады. Оның үстіне, алыстан келе жатқаныңда, эмблеманы көлегейлеп тұрады. Қысқасы, дұрыс орналаспаған. Ал белгіге келер болсақ, кейін той тойлағандар сол жерге барып «аққайнардың» шишасын күл-парша етіп сындыратын «дәстүр» шығарды. Әп-өдемі орын былғанышқа айналатын болған соң, оның тазалығын «Коммунсर्वис» кәсіпорнына жүктедік.